

**MAŠINSKI FAKULTET SARAJEVO** , Ul. Vilsonovo šetalište br. 9. (u daljem tekstu : Osiguranik), kojeg zastupa dekan, prof. dr. Izet Bijelonja i

**OSIGURANJE AURA a.d. Banja Luka**, Ul. Veljka Mladenovića br.7 d., (u daljem tekstu: Osiguravač) kojeg zastupa direktor, Radenko Vujić.

Zaključili su sljedeći

## **UGOVOR O OSIGURANJU ZAPOSLENIKA**

### **Član 1.**

Ovim Ugovorom Osiguravač i Osiguranik, kao ugovorne strane uređuju međusobne odnose poslovne saradnje u oblasti osiguranja zaposlenika, kao i u svim vezanim poslovima od zajedničkog poslovnog interesa.

Predmet ugovora su:

### **1. Usluge osiguranja zaposlenika Mašinskog fakulteta Sarajevo u 2021 godini.**

### **Član 2.**

Po ovom Ugovoru osiguravat će se zaposlenici Osiguranika prema Ponudi Osiguravača broj : T-233/20, od 04.12.2020.g i Odluke Ugovornog organa broj : 06-VL-4031/20 od 25.12.2020.godine, a u skladu sa Općim i posebnim uslovima Osiguravača.

### **Član 3.**

Ugovor se zaključuje na određeno vrijeme 1 (jednu) godinu dana, sa početkom trajanja od dana **01.01.2021.godine**, pa do dana **31.12.2021. godine**.

### **Premija osiguranja**

### **Član 4.**

Osiguranik se obavezuje platiti premiju osiguranja prema potpisanim i ispostavljenim policama po vrstama osiguranja u skladu sa članom 1. i članom 3. ovog Ugovora.

### **Plaćanje premije**

### **Član 5.**

Plaćanje premije će se vršiti u skladu sa Ponudom broj: T-233/20, od 04.12.2020.godine i ispostavljenim Fakturama u dogovorenim rokovima.

### **Prijavljivanje šteta**

### **Član 6.**

Kad nastane osigurani slučaj na osnovu kojega se traži naknada iz osiguranja, Osiguranik je dužan postupiti prema Općim uslovima za osiguranje i Ponude broj : T-233/20, od 04.12.2020.godine

### **Rješavanje šteta**

### **Član 8.**

Osiguravač je obavezan isplatiti naknadu iz osiguranja za štete prouzrokovane nastankom osiguranog slučaja po odredbama Općih uslova osiguranja.

## Isplata naknade

### Član 9.

1. Kada se dogodi osigurani slučaj, Osiguravač je dužan isplatiti naknadu u ugovorenom roku koji ne može biti duži od četrnaest dana, računajući od dana kada je Osiguravač dobio obavijest da se osigurani slučaj dogodio.  
Ako je za utvrđivanje postojanja, osiguravačeve obaveze ili njezina iznosa potrebno izvjesno vrijeme, taj rok počinje teći od dana kada je utvrđeno postojanje njegove obaveze i njen iznos.
2. Ako iznos Osiguravačeve obaveze ne bude utvrđen u roku određenom u prvom stavu ovog člana, Osiguravač je dužan, na zahtjev ovlaštene osobe Osiguranika, isplatiti iznos nespornog dijela svoje obaveze na ime predujma.

### Član 10.

Uslovi osiguranja po kojima je zaključen ovaj Ugovor bit će sastavni dio Ugovora.

### Član 11.

Ovaj Ugovor stupa na snagu danom njegovog potpisivanja i ovjere od strane ovlaštenih predstavnika ugovornih strana.

### Član 12.

U slučaju spora po ovom Ugovoru nadležan je Općinski sud u Sarajevu.

### Član 13.

Ugovor je sačinjen u 4 (četiri) istovjetna primjerka od kojih svaka strana zadržava po 2 (dva) primjerka.

Za Osiguravača



Za Osiguranika

Prof.dr. Izet Bijelonja

Broj : 12-5578-13/20

Broj : 06-VJ-4101/20

Datum: 31.12.2020.

Datum: 31.12.2020.